



Republika e Kosovës
Republika Kosova – Republic of Kosovo

ORGANI SHQYRTUES I PROKURIMIT
TELO ZA RAZMATRANJE NABAVKE
PROCUREMENT REVIEW BODY

PSH Nr. 386/22

PANELI SHQYRTUES I PROKURIMIT, i emëruar nga kryetarja e OSHP-së në bazë të nenit 105 dhe nenit 106 të Ligjit për Prokurim Publik të Kosovës nr. 04/L-042, i plotësuar dhe ndryshuar me Ligjin 04/L-237, Ligjin 05/ L-068, dhe Ligjin 05/ L-092 në përbërje prej: Z. Vedat Poterqoi- Kryetar, znj. Nita Bejta- Anëtare si dhe z. Agon Ramadani- Anëtar, si dhe duke u bazuar në nenin 99 të Ligjit për Prokurim Publik të Kosovës nr. 04/L-042 i plotësuar dhe ndryshuar me Ligjin 04/L-237, Ligjin 05/ L-068, dhe Ligjin 05/ L-092 dhe konform nenit 32 të Rregullores së punës së OSHP-së nr. 01/2020, pas shqyrtimit të kërkesës së autoritetit kontraktues Komuna e Gjakovës, që OSHP-ja të veproj konform nenit 99 paragrafi 2 të LPP-së, përkritazi me OE “Ero Project” shpk me seli në Prishtinë, lidhur me aktivitetin e prokurimit: “Ndërtimi i deponive në shkolla”, me nr. të prok: 632-22-5022-5-2-1, më datën 19.09.2022, mori këtë:

V E N D I M

- I. Aprovohet**, si e bazuar kërkesa e autoritetit kontraktues- Komuna e Gjakovës e dt: 08 gusht 2022, për diskualifikim sipas nenit 99. 2 të LPP-së, OE “Ero Project” me seli në Prishtinë.
- II. Diskualifkohet**, OE “Ero Project, me numër të biznesit: 810326315, për shkak të mos prezantimit të dokumentacionit nga ATK dhe Gjykata, dhe atë për gjashtë muaj, dhe se

të njëjtit i ndalohet pjesëmarrja në aktivitetet e prokurimit publik në Republikën e Kosovës që nga data 19. 09. 2022 deri me 19. 02. 2023.

ARSYETIM

Me datën 08.08.2022, Autoriteti Kontraktues- AK- “KK-Gjakovë” ka dorëzuar në OSHP kërkesën për aplikim të masave sipas nenit 99 pika 2 të LPP-së ndaj OE “Ero Project” sh.p.k-Prishtinë.

OSHP me datën 09.08.2022 ka autorizuar për të përgatitur një rrjedhë (kronologji) të rastit, andaj më poshtë po ju paraqes në mënyrë kronologjike rastin.

Autoriteti kontraktues AK- “KK-Gjakovë” me datën 08.08.2022, ka parashtruar kërkesë në OSHP për të aplikuar dispozitat e nenit 99 pika 2 të LPP-së dhe nenit 26.8 të RUOPP-së ndaj OE “Ero Project” sh.p.k-Prishtinë, me numër unik identifikues:810326315.

AK- “KK-Gjakovë” me datë 06.07.2022 ka kërkuar vërtetimet në lidhje me kërkesat e përshtatshmërisë lidhur me aktivitetin e prokurimit: “Ndërtimi i deponive në shkolla” me nr. të prokurimit: 632-22-5022-5-2-1.

OE në fjalë, brenda afatit ligjor nuk e ka dorëzuar vërtetimin se nuk ka obligime tatimore ndaj ATK- së, as vërtetimin e gjykatës se biznesi nuk është në falimentim ose nën administrim të dhunshëm gjyqësor, dhe as sigurimin e tenderit.

Sipas Autoritetit Kontraktues operatori ekonomik ka paraqitur të dhëna të rreme me rastin e dorëzimit të ofertës kur së bashku me ofertë ka dorëzuar Deklaratën nën Betim në të cilën ka garantuar se i përmbush kushtet e përshtatshmërisë.

Në përputhje me nenin 26.8 të RRUOPP-së, AK ka vazhduar me tenderuesin e listuar në vendin e dytë.

AK ka bashkëngjitur dokumentet si në vijim:

-Njoftimin për kontratë të datës 26.05.2022.

OSHP pas pranimit të kërkesës nga AK- KK “Gjakovë” i ka dërguar email operatorit ekonomik me datën 08.08.2022 duke i kërkuar që të na i dërgojë sqarimet në lidhje me këtë çështje.

Operatori ekonomik me datë 15.08.2022 në përgjigjen e tij ka shpjeguar se citat: “**nuk e kanë dorëzuar vërtetimin nga ATK dhe të Gjykatës pasi që kanë vlerësuar se çmimi ka qenë i ulët për projektin në fjalë**”.

Ekspertja shqyrtuese në kronologjinë e përgatitur ka sqaruar se në bazë të nenit 99.2 të LPP-së, marrja e masave nga OSHP-ja, ndaj operatorëve ekonomik pjesëmarrës në një aktivitet të prokurimit vjen në shprehje vetëm nëse konstatohet se operatori ekonomik pjesëmarrës në një aktivitet të prokurimit ka prezantuar dokumente të falsifikuara, apo ka bërë paraqitjen e të dhënave të rreme ashtu siç parashihet me nenin 99.2 të LPP-së, në të cilin thuhet: Në bazë të një kërkesë me shkrim nga autoriteti kontraktues në lidhje me paraqitjen e të dhënave të rreme ose të një dokumenti të falsifikuar nga operatori ekonomik, OSHP është e obliguar dhe ka autoritetin që të shqyrtojë dhe të diskualifikojë operatorin ekonomik nga pjesëmarrja në prokurim publik për një periudhë deri në një (1) vjeçare.

Lidhur me kërkesën e lartpërmendur, OSHP-ja nuk ka caktuar seancë dëgjimore pasi që nga shkresat e lëndës është vërtetuar se provat e ofruara nga AK përbëjnë bazë të mjaftueshme për verifikim dhe analizim të kërkesës, andaj mbajtja e seancës në këtë rast nuk ishte e nevojshme.

Paneli shqyrtues pas analizimit të shkresave dhe fakteve të lëndës, përgjigjet me parashtrësën me shkrim të OE në fjalë, konstaton se operatori ekonomik "Ero Project" nuk ka dorëzuar vërtetimin e ATK-së dhe Gjykatës pasi që i njëjti ka deklaruar se nuk ka dorëzuar vërtetimin e kërkuar nga ATK dhe Gjykata sepse pasi që ka dorëzuar ofertën ka parë se çmimi është i ulët.

Paneli shqyrtues konstaton se OE brenda afatit ligjor nuk e ka dorëzuar vërtetimin se nuk ka obligime tatimore ndaj ATK-së, as vërtetimin e gjykatës se biznesi nuk është në falimentim ose nën administrim të dhunshëm gjyqësor, dhe as sigurimin e tenderit.

Sipas Autoritetit Kontraktues operatori ekonomik ka paraqitur të dhëna të rreme me rastin e dorëzimit të ofertës kur së bashku me ofertë ka dorëzuar Deklaratën nën Betim në të cilën ka garantuar se i përmbush kushtet e përshtatshmërisë.

Paneli shqyrtues sqaron se neni 26.8 të RRUOPP-së thotë: "Vërtetimet në lidhje me kërkesat e përshtatshmërisë (përveç Deklaratës nën Betim) do të kërkohen të dorëzohen nga një tenderues të cilin autoriteti kontraktues ka për qëllim që ta shpërblejë me kontratë. Këto dokumente duhet të dorëzohen nga tenderuesi para publikimit të Njoftimit B58 mbi vendimin e AK-së. Afati kohor për dorëzimin e dokumentacionit të përmendur është jo më pak se pesë (5) ditë nga marrja e njoftimit të autoritetit kontraktues për synimin e dhënies së kontratës. Dështimi në dorëzim të dokumenteve të tilla, tenderi i tij do të refuzohet dhe AK do të vazhdojë me tenderuesin e listuar në vendin e dytë, si dhe do të konfiskohet sigurimi i tenderit nëse e njëjta është kërkuar dhe AK do të iniciojë procedurën për diskualifikim në përputhje me nenin 99.2 të LPP-se". Duke u bazuar në këtë dispozitë ligjore,

dhe në bazë të nenit 99 par 2 të LPP-së, paneli shqyrtues vlerëson se OE “Ero Project” do të diskualifikohet nga pjesëmarrja në prokurimin publik në periudhë prej gjashtë muaj nga data 19.09.2022 deri më 19.02.2023.

Paneli shqyrtues, duke u bazuar në atë që u tha si më lartë, vendosi si në dispozitiv të këtij vendimi.

KËSHILLË JURIDIKE:

Kundër këtij vendimi nuk është e lejuar ankesa, por pala e pakënaqur me kërkesëpadi mund t’i drejtohet Gjykatës komerciale-Departamentit për çështje Administrative për kompensim dëmi në afat prej 30 ditësh nga data e pranimit të vendimit .



Vendimi t’i dorëzohet:

1x1 AK – KK Gjakovë

1x1 OE “Ero Project”

1x1 Arkivës së OSHP-së;

1x1 Për publikim në ueb- faqe të OSHP-së